

現代生活藝術系列

華嚴經疏論纂要

33

— 梵行 品

華藏淨宗學會印贈

大方廣佛華嚴經疏論纂要卷第三十三

五臺山清涼國師澄觀疏鈔

太原方山長者李通玄 論

閩鼓山私淑比丘道霈纂要

梵行品第十六

○此品四門分別。初來意

〔疏〕來意有六。一前是正位。今辨位中之行。故次來也。二前明諸位別行。今辨諸位通行。三前通道俗。今別顯出家所行。四前明隨相差別。今顯會緣入實。鈔言隨相者。即如前別行。行既不同。即是隨相。今此觀意於身無所取於修無所著。乃至受無

相法。觀無相法。知一切法。卽心自性等故。五爲顯入住之因。謂自他二種梵行淨故。則入初住也。以說位竟恐物尋因。故今修此。如先知滅。後示道。六別顯初住成佛。則類前諸位。位位成佛。不由他悟之相也。具上諸意。有此品來。謂前一一位未有所聞法。卽自開解。不由他教。此但總標。故今釋云。與此觀行相應。卽得初心成佛。知一切法。卽心自性成就。就慧身不由他悟。

○二釋名

〔疏〕釋名者。梵是西域之音。具云勃藍摩。此翻爲淨。揀上淨行。立梵行名。離染中極。故名爲梵。卽梵爲行。故名梵行。持業釋也。亦有云。真境爲梵。智契爲

行或涅槃為梵。修因為行。此二依主釋。梵行以何
 為體。體畧有三。一者即戒。戒能防非。故得稱梵。二
 者四等。三者是慧。涅槃五行中。梵行即四無量。亦
 七善知。今此品中。具含三義。鈔涅槃五行者。即涅
 聖行。二梵行。三天行。四嬰兒行。五病行。即四無量
 等者。經具此二。古德出體亦用此二。其梵行品在
 十五經。四無量義。次下自明。亦七善知者。經云。善
 男子。云何為菩薩摩訶薩。梵行善男子。菩薩摩訶
 薩。任於大乘。大般涅槃。任七善法。得具梵行。何等
 為七。一者知法。二者知義。三知時。四知足。五知自
 六知眾。七知尊卑。彼文廣釋。今當畧示。知法。謂知
 十二部經。知義。謂一切文字。語言善知其義。知時。
 謂如是時中。堪修靜慮。如是時中。堪修精進等。知
 足。謂飲食衣服藥等。知自者。謂我有如是信戒等。
 知眾。謂利利婆羅門等。知尊卑。云善男子。有二種
 人。一者信。二者不信。菩薩當知。信者是善。不信者

不名爲善。信復二種。一者往詣僧坊。二者不往。往詣者善。不往詣者。不名爲善。如是禮拜聽法。至心思義。如說修行。求聲聞乘。迴向大乘。展轉皆同。初二故。後結云。迴向大乘。最上最善。不出尊卑之名。意云。善者爲尊。不善者爲卑。則後後尊於前前耳。然此三各二。戒有二者。一隨相。二離相。今文卽相無相。依如來教。染衣出家。乞食正命。是隨相也。於修無所著。則戒相如虛空。卽離相也。四等二者。一有緣。二無緣。生緣法緣。皆名爲有。今卽緣無緣。觀察衆生而不捨離。是有緣也。了知境界如幻如夢。卽無緣也。慧有二者。一有分別。二無分別。今卽分別是無分別。謂於十法一一推徵。是分別也。觀無相法。了知平等。離念契

玄。卽無分別也。上三中二義。各初義通凡小。後義唯大乘。此二不二。爲實教梵行。若一行具一切佛法。方是華嚴之梵行也。梵卽是淨。但以性淨故。卽行淨。行淨故。則智慧淨。智慧淨故。則心淨。心淨故。一切功德淨。乃至成佛。功歸於行。故云淨行。然前信中之淨。隨事造修。悲智兼導。至此純熟。了心自性。悲智無二。故小有不同。

○三宗趣

〔疏〕宗趣者。卽以悲智無二。事理雙修。觀行爲宗。疾滿一切佛法爲趣。

論將釋此品。約作三門分別。一釋品名目。二釋品來意。三隨文釋義。第一釋品名目者。何故云梵行品。梵者。此云淨也。云以其淨行利衆生。故常居世間。行一切行法。化利衆生。無行可得。則無行不淨。是故名爲梵行也。又約能問之主。名曰正念。無念之念。名爲正念。隨行無念。名爲正念。行念總無以斯益物。名第一義天。以天有慈。名爲天子。又約能說之人。名爲法慧。隨行無念。名之爲法。以法簡情。名之爲慧。起情乖理。名無法慧。達理情亡。名爲法慧。今約能問之主。所說法人。及所說法。總名淨行。

品。品者。均分理教義。第二釋品來意者。前品明住佛無所住之門。故還行無行之行。是故此品須來無住之住。名爲佛住。無行之行。利益無衆生之衆生。名爲淨行。是故此品須來。第三隨文釋義者。科此一品經。約作七門分別。如文具明。

○第四釋文。文分爲二。先問。

爾時正念天子。白法慧菩薩言。佛子。一切世界諸菩薩衆。依如來教。染衣出家。云何而得梵行清淨。從菩薩位。逮於無上菩提之道。

〔疏〕文二。先敘問答之人。正念天子問者。天淨也。表

所問事理染相絕故。梵依天行而得成。故念與無念。一而不一。為正念也。法慧答者。表巧慧窮法。梵依天行者。涅槃天行。經文不釋。指在華嚴。古人出體。亦有二義。一指入禪。二即淨天。淨天即第一義天。見第一義梵行成矣。故依天行得成。後佛子下。正顯問端。於中先舉所問境。次云何下。述所問相。問相有二。一問行淨所因。謂隨相持戒之梵行。云何得離相之清淨。二從菩薩下。問因所得果。

○第二答。答前二問。即為二別。先答行淨所因。後若諸菩薩下。答因所成果。斯即觀成利益也。今初分二。先明自行清淨。即離相之戒成。後復應

修習下。明利他之行淨。卽無緣之四等。二種智
慧。通在兩文。爲能淨故。前中分四。一總示所應。
二所謂下。列名畧釋。三若身是下。廣陳修相。四
如是觀已下。顯觀成相。今初

法慧菩薩言。佛子。菩薩摩訶薩修梵行時。應以十法
而爲所緣。作意觀察。

〔疏〕作意者。不墮無記故。觀察者。以慧推求故。

○第二列名畧釋

所謂身。身業。語。語業。意。意業。佛。法。僧。戒。應如是觀。爲
身是梵行耶。乃至戒是梵行耶。

〔疏〕初列十法。卽列上所緣之境。後應如是觀下。釋上作意觀察所以。唯令觀十法者。一爲成圓數。二梵行緣體不離此十。謂身口意三。是行所依處。三業行因。三寶行緣。戒爲行體。問以善三業歸於三寶。得受隨戒。何要觀耶。答若不觀察。取相堅持。同權小故。見戒從緣起心持戒。爲迷倒故。云何觀耶。廣在下文。今畧釋之。意云。十中隨一。若是餘九卽非。明假衆緣以顯無性。況十中各十。一一推徵相盡理現。名真梵行。

○第三廣陳修相。卽尋思觀也。所觀十法。卽爲十

段前六通染。是故但約染淨相違。名非梵行。亦
不析破彼法自體。後四唯淨。順於梵行。故分析
體空。何有梵行。十中各先總牒觀境。後以十事
微顯其非。今初身具

若身是梵行者。當知梵行。則爲非善。則爲非法。則爲
渾濁。則爲臭惡。則爲不淨。則爲可厭。則爲違逆。則爲
雜染。則爲死屍。則爲蟲聚。

〔疏〕一非善者。身通不善體。非順理。梵行善性體能
順理。二法既殊。明身非梵行。梵行何在。他皆做此。
當知梵行之言。貫通諸句。二體是無記。非可軌法。

三飲食資成。四自相臭惡。五自性不淨。六種子住
 處等。皆悉可厭。七四蛇違反。八業惑所依。故九是
 身無知。又要當死。究竟不淨。故十八萬戶蟲。戶有
 九億。全以蟲聚成其身故。身行陰廣攝。言體非順
 理者。順理生心。各為善故。二體是無記者。色是報
 色。故為無記。四自相臭惡者。此中示五不淨。即智
 論云。行者依淨戒任。一心行精進。觀五種不淨相。
 一。種子不淨。謂攬父母精血。業因識種。以成身分。
 故。二。任處不淨。於母胎中。生藏之下。熱藏之上。故
 三。自體不淨。謂三十六物。以成身。故。四。自相不淨。
 亦名外相不淨。謂九孔常流。眼出眵淚。耳出結疔。
 鼻中流涕。口出涎唾。大小便道。常出不淨。五。究竟
 不淨。氣絕已後。臃脹臭爛。甚成可惡。今疏已暗配
 種子住處等者。然五不淨。皆悉可厭。以上配自性
 自相。下配究竟。故牒此二。等取餘三。言皆可厭者。
 智論五。皆有偈結之。一種子偈云。是身種不淨。非

餘妙寶物。不由白淨生。但從穢道出。二任處偈云。
是身爲臆穢。不從華間生。亦不從蔭蔔。又不出寶
山。三自性偈云。地水火風質能變。成不淨。傾海洗
此身。不能令香潔。四外相偈云。種種不淨物。充滿
於身中。常流出不止。如漏囊盛物。五究竟偈云。審
諦觀此身。必歸於灰處。難御多反覆。背恩如小兒。
結云。行人修此觀。成破淨倒想。故五種皆可厭也。
入萬戶蟲者。諸經多說。下十藏品。自有明文。觀佛
三昧海經。觀相品云。云何菩薩所。白菩薩言。我是天女。
乃至云。魔有三女。至菩薩所。白菩薩言。我是天女。
盛美無比。今以微身。奉上太子。供給左右。可備掃
灑。太子寂然。身心不動。以白毫擬之。令三天女。自
見身內。膿囊涕唾。尤孔筋脉。一切根本。犬腸小腸。
生藏熟藏。於其中間。迴伏宛轉。踊生諸蟲。其數滿
足。有八萬戶。戶有九億。諸小蟲等。遊戲之時。走入
小腸。皆有四口。張口向上。犬蟲遊戲。入大腸中。從
腸中出。復入胃中。復生四蟲。如四蛇合。上下同時
啖食。諸藏滓。盡汁出入。眼爲淚。入鼻爲涕。聚口成
唾。放口成涎。薄皮厚皮。筋髓諸脉。悉生諸蟲。細於
秋毫。衆數甚多。不可具說。其女見此。即便嘔吐。從

口而出。無有窮盡。全以蟲成者。卽大婆沙中說。人身內並是蟲聚。蟲頭在內。食人所食。蟲尾在外。辦作人皮故。今此梵行。體是可軌。性能澄淨。芬馨清潔。賢聖所欣。順法順教。體無雜染。與智相應。衆善集成。彼豈當是。於十事求。梵行叵得。當知梵行。離相離性。下九準之。

○二身業

若身業是梵行者。梵行則是行住坐卧。左右顧視。屈伸俯仰。

〔疏〕身業者。身之作用。名爲身業。語意亦然。十中。四儀無記。餘六通善惡。故非梵行。

○三語具

若語是梵行者。梵行則是音聲風息唇舌喉吻吐納抑縱高低清濁

〔疏〕語具十事。初一語體。次五語緣。謂風觸七處而

出於聲。此畧無齋輪牙齒後吐納等四。是辨語相。

十事望業。皆是語體。此唯無記。故非梵行。鈔謂風

者。即智論第七云。如人欲語時。口中風名優陀

那。還入至臍。即有響出。響出之時。觸七處。過各生

語言。如有偈說。風名優陀那。觸臍而上去。是風七

處。觸項及斷齒唇舌咽。及以胃。是中言語生。愚人

不解此。惑著起。噴癡。然楞伽第二第三。皆有其文。

第二云。佛告大慧。頭胸喉鼻唇舌斷齒。和合出聲。

釋曰。此有八處。加鼻一種。鼻塞。語雖小壅。而亦得

語。故論畧無第三中說。但有七事。經言云。何語謂

言字妄想和合。語依咽喉唇舌齒斷頰輔。因彼我言說。妄想習氣。是名爲語。釋曰。於前八中。畧無頭胸鼻。而加頰輔。言字妄想者。顯言空故。次經卽云。大慧云。何爲離一切妄想。言說相。大慧菩薩於如是義。獨一靜處。聞思修慧。緣自覺了。向涅槃城。習氣身轉變已。自覺境界。觀地地中間。勝進義相。是名菩薩摩訶薩善義。釋曰。此卽下觀破破意。

○四語業

若語業是梵行者。梵行則是起居問訊略說廣說喻說直說讚說毀說安立說隨俗說顯了說

〔疏〕語業十事。通善惡故。亦非梵行。安立說者。謂假施設。隨俗說者。隨世名言。餘可思準

○第五觀意

若意是梵行者。梵行則應是覺是觀。是分別。是種種分別。是憶念。是種種憶念。是思惟。是種種思惟。是幻術。是眠夢。

疏觀意十事。覺是尋求。觀是伺察。覺麤。觀細。是不定法。言分別者。以慧揀擇。三分別中。是自性分別。七分別中。任運分別。種種分別者。三中隨念計度。故。七中餘六。謂有相。無相。尋求。伺察。染汗。不染汗。故。鈔三分別者。卽雜集第二云。有三分別。謂自性分別。隨念分別。計度分別。七分別者。論云。復有七種分別。謂於所緣任運分別。有相分別。無相分別。尋求分別。伺察分別。染汗分別。不染汗分別。憶念者。追憶會習。唯緣過去。思惟者。以慧籌度。通

去來今。竝有一多。各成二種。上六皆別境攝。上六
 境攝者。別境有五。一欲。二勝。三種。種憶念。義兼惡作。
 解。三念。四定。五慧。下當類釋。種。種憶念。義兼惡作。
 幻術。通思通念。眠是不定。意識亦行。但取境昧畧。
 輕眠有夢。亦通善惡。覺之勢故。種。種憶念者。即上
 謂悔眠。尋伺二各二。是釋曰。初二字。標位總名。論
 云。悔眠。尋伺。於善染等。皆不定。故非如觸等。定。偏
 心故。非如欲等。定。偏地故。立不定。故名。次五字。分別
 名字。悔。謂惡作。悔。所作故。追。悔。為性。障。止。為業。此
 即於果。假立。因。名。先。惡。所作。業。後。方。追。悔。故。悔。先
 不作。亦。惡。作。攝。如。追。悔。言。我。先。不。作。如。是。事。業。是
 名。惡。作。釋。曰。此。有。二。意。一。悔。先。作。惡。二。悔。先。不。作
 善。既。追。善。惡。即。種。種。憶。念。攝。二。各。二。之。三。字。釋。不
 定。義。下。長。行。釋。云。應。言。二。者。顯。二。種。二。一。謂。悔。眠。
 二。謂。尋。伺。此。二。一。種。種。類。各。別。故。一。二。言。顯。二。二。
 種。眠。是。不。定。者。即。上。論。長。行。云。眠。謂。睡。眠。令。身。不
 自在。昧。畧。為。性。障。觀。為。業。謂。睡。眠。位。身。不。自。在。心

極暗劣。一門轉故昧揀在定。畧別寤時。今顯睡眠。非無體用。有無心位。假立此名。如餘蓋纏。心相應。故釋曰。謂睡眠位下。釋土不自在言。謂令身不自在。坐亦睡眠故。他搖動時亦不覺等。故此令心極暗昧。輕畧為性。不能明利。沉審故也。意識亦行。卽是論中一門轉故。顯五識不行。定心一境。畧而不昧。故云。昧揀在定。寤廣緣。境不得稱畧。故云。畧別寤時。故眠有二。顯有別體。必依於心。而五無心。一熟眠者。假立為眠。非實眠者。眠必與心而相應。故如餘蓋等。言輕眠有夢者。揀異熟眠。得顯此眠。是不定攝。通善惡。此十是心所。不離心故。同名意也。故夢有善惡故。此十是心所。不離王故。又五蘊中。除其

色蘊意業攝故

○第六觀意業

若意業是梵行者。當知梵行。則是思想寒熱飢渴苦。

樂憂喜

〔疏〕意業十事。皆意之用。故名爲業。約徧行五徵之。一思。二想。次四是觸。後四是受。作意一種。總徧十段。故前云作意觀察。此中思等。與意何別。但思等心所有二義故。一扶持心王屬前所攝。二依心起用。屬此位收。故多從受境以辯。若欲破者。旣約徧行通於三性。故非梵行。餘準前知。

○第七觀佛

若佛是梵。行者爲色。是佛耶。受是佛耶。想是佛耶。行是佛耶。識是佛耶。爲相是佛耶。好是佛耶。神通是佛

耶。業行是佛耶。果報是佛耶。

疏觀佛十事。觀於三身。若依小乘。初五法身。以無漏戒等。及眷屬無漏五蘊為法身故。次二報身。以三祇百劫所修萬行感相等故。次一化身。神通化現故。業行通為三身之因。果報通語三身之果。若依大乘。前八皆是化身。後一報身。業行通語二身之因。涅槃是果。離繫果故。菩提是報。報本願故。鈔以無漏戒等者。等取定慧解脫。解脫知見。此從已轉受名。廣如十藏品。言及眷屬無漏五蘊者。即色受等。前無漏戒。雖轉五成。而各取一。以為其主。故今辨定慧等同時心。心所。為眷屬五蘊。今一一推徵。若一是佛。餘者應非。一一皆佛。則有多佛。

和合成佛。則無自性。故中論云。非陰不離陰。此彼不相在。如來不有陰。何處有如來。陰合爲如來。則無有自性。進退推求。佛體寂滅。尙非是有。豈當是無。邪見深厚者。則說無如來。諸法性空中。思惟亦不可。尙非是有者。第三遮難云。若爾。應無如來。便墮斷見。故今遮云。邪見有二。謂有爲淺。謂無爲深。破以淺邪。何墮深。壑皆中論文。竝如上引。是真佛。既超心境。依斯成行。行豈相耶。

○第八觀法

若法是梵行者。爲寂滅是法耶。涅槃是法耶。不生是法耶。不起是法耶。不可說是法耶。無分別是法耶。無

所行是法耶。不合集是法耶。不隨順是法耶。無所得是法耶。

〔疏〕然法有教理行果。今就後三。畧能詮故。入中初一理法。次一果法。餘六通三約理可知。約行者。謂不善不生。妄想不起。言語道斷。智無分別。定無行處。如智兩冥。此六究竟。卽是果相。今推徵云。若一。是法。餘則應非。一一皆爾。若謂總是。則和合不實。隨得一法。卽應得餘。和合而成。則無和合。若以無合而爲法者。無合之法。豈當有耶。又此舉法。皆舉寂滅不生等者。欲明一一自虛。法卽非法。梵行何

從。鈔餘九皆十句。此獨入者。應是梵本脫漏。今依流通本補足。

○第九觀僧

若僧是梵行者。為預流向是僧耶。預流果是僧耶。一來向是僧耶。一來果是僧耶。不還向是僧耶。不還果是僧耶。阿羅漢向是僧耶。阿羅漢果是僧耶。三明是僧耶。六通是僧耶。

〔疏〕觀僧十事。前八約人。後二就德。且依小說。言預流者。始超凡地。預聖流故。一來者。修惑未盡。二度來生欲界中故。不還者。欲界惑盡。更不還來生欲界故。阿羅漢者。此有三義。一名殺賊。已斷一切諸

煩惱故。二名不生。三界之生。永以盡故。三名爲應。應受人天大供養故。有四向者。向於果故。謂斷三界見惑有十六心。至第十五道類忍時。名初果向。至第十六卽入見道。名須陀洹果。欲界修惑分爲九品。斷至五。二向。斷六。一來果。斷七。或八品。名第二果向。九品全斷盡。卽得不還果。次斷上二界修惑。乃至有頂。八品惑盡。名阿羅漢向。三界見修都盡。得阿羅漢果。今此欲明梵行粗陳名目。若廣引婆沙俱舍雜集瑜伽。則清淨梵行。有累名數。力有餘者。付在說時。此中觀意。謂僧名和合。而有八輩。

一若是僧。餘則應非。又一一別辨。則無衆義。集此無衆。豈成衆耶。況於入流。無所入等。以無爲法。而有差別。則其體自虛。後二就德。德若是僧。何須八輩。離法無人。離人無法。一一窮究。爲僧者誰。僧體既虛。梵行安寄。

○第十觀戒

若戒是梵。行者爲壇場。是戒耶。問清淨。是戒耶。教威儀。是戒耶。三說羯磨。是戒耶。和尚。是戒耶。阿闍黎。是戒耶。剃髮。是戒耶。著袈裟衣。是戒耶。乞食。是戒耶。正命。是戒耶。

〔疏〕戒爲行體。亦賴衆緣。從緣成戒。戒性如空。起心持者。是謂迷倒。無善無威儀。不雜二乘心。是名持淨戒。此戒乃名真梵行也。〔鈔〕第十觀戒文三。初總獨今此段。先明實觀戒性如空者。卽法句經。六度皆有偈文。布施云。說諸布施福。於中三事。空究竟不可得。施福如野馬。戒云。若說諸持戒。無善無威儀。戒性如虛空。持者爲迷倒。忍云。若見嗔恚者。以忍爲鞫鞅。知嗔等陽燄。忍亦無所忍。精進云。若說諸精進。爲增上慢。說無增上慢者。無善無精進。若起精進心。是妄非精進。若能心不妄。精進無有涯定云。若學諸三昧。是動非坐禪。心隨境界流。云何名爲定。般若云。森羅及萬象。一法之所印。云何一法中。而生種種見。一亦不爲一。爲欲破諸數。淺智之所聞。見一以爲一。結云。若有聞斯法。常修寂滅行。知行亦寂滅。是則菩提道。釋曰。今疏釋戒。但用戒文。而離迷倒。餘者乃義引。不雜二乘心。其中十者。卽涅槃文。是名持淨戒等。總結上文也。其中十

事前八是受。後二是隨。受中壇場。得戒之處。問淨教儀。並教授師。三說羯磨。卽得戒法。和尚得戒根本。阿闍黎者。正卽二師。義兼七證。剃髮著衣。是戒外相。隨中乞食。四依之一。正命。謂離四邪五邪。若依菩薩戒類例上文。具如善戒經。及彌勒菩薩所造受菩薩戒羯磨所辨。此上十境。正約菩薩。旁兼聲聞。設依小受。修觀則爲菩薩。卽如此方。又善戒經欲受菩薩戒。皆先具受前之三戒。故所觀境通於大小。其能觀智。唯實教大乘。若依菩薩下。第二三料揀。前列十事。參大小乘。此方菩薩律儀闕故。於中有四。一總引二文彰大小異。彌勒羯磨。唯請一師。須歸三寶。別有

羯磨文等。此上十境下。次出對會所以。以西天大小抗行。寺居不雜。是故結云。卽如此方也。謂依小乘受行大乘行。又善戒經下。三正示大小二相不同。言先受前之三戒者。彼經第五菩薩戒品云。在家出家。戒有三種。一者戒。二者受善法戒。三者爲利衆生故行。釋曰。此卽三聚也。次云。云何名戒。所謂七衆戒。比丘比丘尼式。又摩那沙彌沙彌尼。優婆塞。優婆夷。菩薩摩訶薩。若欲受持菩薩戒者。先當淨心。受七種戒。七種戒者。是淨心趣菩薩戒。如世間人欲請於王。先當淨治所居屋宅。是七種戒。具是在家出家菩薩所受。菩薩戒者。亦復如是。俱是在家出家菩薩所受。釋曰。上語七衆通於男女。等。今辨三戒。唯約比丘。謂五戒。十戒。二百五十。此三以爲菩薩戒前之方便也。彼經云。若言不具優婆塞戒。得沙彌戒。無有是處。不具沙彌戒。得比丘戒。亦無是處。不具如是三種戒。得菩薩戒。亦無是處。譬如重樓四級。乃至不從三級至第四者。無有是處。釋曰。以此故。須先受三也。故所觀境下。四結成本義。所觀通大小者。依菩薩受。亦是所觀。依小乘受。亦是所觀。能觀智唯實教大乘者。卽相同性。

離相戒故。上來尋思觀竟。

○第四辨觀成之相。望前尋思。卽爲觀益。望後得正覺果。此但如實觀成。文分爲三。初約所觀十境如實觀成。二此中何法下。約所成梵行如實觀成。三如是觀察下。結成梵行清淨之相。今初如是觀已。於身無所取。於修無所著。於法無所住。過去已滅。未來未至。現在空寂。無作業者。無受報者。此世不移動。彼世不改變。

〔疏〕初有十句。初六句明三輪清淨觀。一不取能持戒衆生。言身兼口意也。二不著所修行事。三不住

於戒法亦卽是事。亦通不住前法。次三句以三時
 門。明不住持戒時。兼釋上不取等。言三世推求不
 可得故。已滅未至。空理易明。現在多滯。偏語空寂。
 以利那不住。過未分之。故空寂也。初六句者具
離三輪然準俞
伽第六。六度各有三輪。不同施二輪者。一施者。二
受者。三施物。今皆離之。戒離三輪者。離衆生事時
分別。忍離三輪者。離自他過失分別。進離三輪者。
離衆生高下事用分別。定離三輪者。離境界衆生
惑分別。般若離三輪者。離境界智衆生分別。今言
六句。明三者。一卽離衆生。二三皆離事。亦通不住
等者。以第三句。通不住前衆生及事。不
任卽離。故次三句。三時門。通是離時耳。次二句。明
二空觀成。作受者人業報是法。後二句。以不遷理。
釋成因果空義。此世不移動。謂不從今至後。彼世

不改變。謂不從後至今。是爲因自昔滅。無力感果。果不俱因。無力酬因。何有報受。以物各性任。性本空故。

○二約所成。梵行如實觀成。

此中何法名爲梵行。梵行從何處來。誰之所有。體爲是誰。由誰而作。爲是有爲。是無爲。是色爲非色。爲是受爲非受。爲是想爲非想。爲是行爲非行。爲是識爲非識。

〔疏〕有十一句。初句總顯無名。十已空故。餘句爲別。一不從他生。二非屬身等。皆十已空故。上二句約

緣以徵。次二句就體以徵。初句明離前十外。無別無作戒體。十外有體不假前十。次句亦無有作。作之受隨。前以空故。次句雙非顯中。無性防非故。次五句約五陰。有二意。一就戒體。有說無作戒體。體卽是色。有說非色非心。五蘊之內。初一是色。後四是心。今言爲是色者。顯非是色。以其所立無表。依表生表色。無表色。今明觀意。表色尙空。何有無表。爲非色者。顯非非色也。從色生於戒。尙不名爲色。從色生於戒。豈是非色耶。言爲是識者。意顯非心。若言是心者。一切皆有心。應常有梵行。是知非心。

也。若言非心。木石應梵行。是知非非心也。若言非色非心。行蘊攝者。但是行蘊。應皆名戒。二就修行。梵行之人。不離五蘊。若卽蘊者。有蘊皆梵行。若離蘊者。豈是我梵行。故後結云。皆不可得。

○第三結成梵行清淨之相。以無得故。

如是觀察梵行法不可得故。三世法皆空寂。故意無取著故。心無障礙故。所行無二故。方便自在故。受無相法故。觀無相法故。知佛法平等故。具一切佛法故。如是名爲清淨梵行。

〔疏〕文有十一句。初句爲總。次九句別顯無得。一由

上三世皆空故。二由於身無所取。於修無所著故。三言心無障礙者。卽前於法無所住故。如風行空。無有礙故。四作受二念不現行故。五雖空不礙涉有故。六七涉有不迷於空故。受觀無相。受謂忍可於心。觀謂起用於境。八結歸平等。大般若曼殊室利分云。我不見有一法非佛法者。故無法不等。九一收一切。方顯具德圓融。末後一句。總以結酬。由上義故。名淨梵行。上辨自利。行淨竟。鈔雖空不下。此釋方便自在。卽顯雖無持犯。而七支皎淨。三業無瑕。攝善利人。無不爲矣。以前觀空非斷滅故。我不見有一法下。前已曾引。謂不毀不持。法界平等。由此該融。故有第九一具一切也。

○第二大科明利他。行淨。文分爲二。初觀深智。卽利他之方。後慈念衆生。成無緣四等。是則自利利他。上求下化。皆具足也。今初。

復應修習十種法。何者爲十。所謂處非處智。過現未來業報智。諸禪解脫三昧智。諸根勝劣智。種種解智。種種界智。一切至處道智。天眼無礙智。宿命無礙智。永斷習氣智。於如來十力。一一觀察。一一力中有無量義。悉應諮問。

〔疏〕文三。初舉法應修。謂梵行體也。緣體宛然。一心湛寂。梵行用也。不思不造。萬行沸騰。故不但心觀。

圓明。復應廣集佛智。二何者下。徵起別列。可知。三於如來下。結勸廣學。

○第二慈念衆生成無緣四等

聞已應起大慈悲心。觀察衆生而不捨離。思惟諸法無有休息。行無上業不求果報。了知境界如幻如夢。如影如響。亦如變化。

〔疏〕文有四句。一雙起慈悲。如犢母隨子。二思惟藥病。成大法喜。三卽行無求。以成大捨。四智了諸境。導成無緣。此中五喻。廣如十忍。然釋有通別。通則可知。幻似有不實故。似有故假。不實故空。此二不

一。成中道智。如夢者。虛妄見故。如影者。從業緣現故。如響者。屬諸因緣故。如變化者。須臾變滅故。若如是了境。卽終日化而無化。亦爲衆生說如斯法。是謂利他梵行清淨也。

○第二大段答因所成果問

若諸菩薩能與如是觀行相應。於諸法中不生二解。一切佛法疾得現前。初發心時。卽得阿耨多羅三藐三菩提。知一切法卽心自性。成就慧身不由他悟。

〔疏〕文中分二。先標前因深。初總指前文。不生二解。別舉其要。卽所行無二。二一切下酬其果滿。先標

後釋。初由理觀深玄。了性具足。萬行齊修。故令大果無邊德用。現證在卽。一切明其果大。疾現。語其證速。後初發心下。釋先釋疾現之言。後釋現前之相。今初。上言疾得。疾在何時。故云。初發心時。何法現前。謂無上菩提也。後知一切下。釋現前之相。亦是出其所因。何者。夫初心爲始。正覺爲終。何以初心便成正覺。故今釋云。知一切法。卽心自性故。覺法自性。卽名爲佛故。下經云。佛心豈有他。正覺覺世間。斯良證也。斯則發者。是開發之發。非發起之發也。何爲現前之相。夫佛智非深。情迷謂遠。情亡

智現則一體非遙。既言知一切法卽心自性。則知此心卽一切法性。今理現自心卽心之性。已備無邊之德矣。成就慧身者。上觀法盡也。正法當興。今諸見亡也。佛智爰起。覺心則理現。理現則智圓。若鏡淨明生。非前非後。非新非故。寂照湛然。不由他悟者。成上慧身。卽無師自然智也。又不由他悟。是自覺也。知一切法。是覺他也。成就慧身。爲覺滿也。成就慧身。必資理發。見夫心性。豈更有他。若見有他。安稱爲悟。既曰心性。自亦不存。寂而能知。名爲正覺。豈唯定之方寸。不取則於人哉。況初後圓融。

不待言也

〔論〕了知境界已下。可四行半經。明了法如幻觀。終獲益成佛分。如上觀行。令身口意業。佛法僧戒。色受想行識。身邊二見。三世遠近總無。又無能觀所觀心。不沉不掉。不生不滅。任理無思。如來十種智力。因斯而現。夫佛智非深。只爲迷心逐相。情虧也。智隱一體也。智現執障都亡。十方廓然自在。處塵不爲小。周空不爲大。窮其跡。十方無纖毫之踪。與其用。則不出刹那之際。身行徧周等虛空而無盡。若存其有。卽一切利海。現色象重重。若置其無。萬

境不可窺其體。以不思不惟而知衆法。將不造不作而辦大功。非生歿變其志。非苦樂移其性。若非神之稱理者。不可以情想知。不可以滅心得。以此如來設淨行之教。觀法盡也。始正法當興。則諸見亡而佛智起。見亡智應。名初發心時。便成正覺。成就慧身。不由他悟。是故後學之士。應法修行。不可以逐境沉淪。迷流永劫。更欲解其上義。慮將言豐障理。以亂後學之心。但如上所說之經多少。自然恰中。如一百四十願名淨行者。是十信位中。以願成世間知見萬法。以爲淨行。此十住位中。以行體

無爲無性。名爲淨行。以此淨行。成智用自在。此淨行品。成十住中初發心之佛果。亦爲已後十行十回向十地等作佛果故。從此無性之行清淨故。一切諸行皆清淨。諸行淨則智慧淨。智慧淨則其心淨。其心淨則諸法淨。諸法淨名法界淨。法界淨卽衆生淨。衆生淨則佛國土淨。行此法平等者。名爲淨行也。

梵行品竟

大方廣佛華嚴經疏論纂要卷第三十二

浙江處州府慶元縣二都新村弟子吳
 日總法名法持日綬法名法印日綸法
 名法經在堂母周氏得主法名興福弟
 日綸日縉孫高姬高羽室陳氏等肆兩
 吳高孫法名界通室范氏富法名界裕
 男嘉錫嘉賜嘉揚等肆兩 全刻
 華嚴經梵行品疏論纂要一卷伏願四
 恩普報三有均資法界衆生同圓種智
 康熙十八年己未六月既望吉旦謹識